

Virtutes oder Wircklichkeit dieses gedestillirten
Olei frumenti.

Wann man in puncto des vollen Mons / des Welschen Rüm-
melgewächses / so Hæmodori genant / Saame / Kraut vnd Wurzel ab-
nimbt / also fort gehacket vnd in gutem Spiritu vini einbeizet / vñ also einen
Monatlang stehen lasset / darnach das lauter oben abgeseihen / dasselbige
biß daß es dicklich wirdt / eingesotten / in solchs mitgleich so viel Olei fru-
menti vnd auch eben so viel Tincturæ Corallorum vermischet / vnd täg-
lich dreymahl allwege dreißig tröpflein von dieser vermischung einge-
nommen / so mag sich hiermit ein wanderende Person / es sey zu Lande oder
Wasser / dermassen vñ also cōfortiren, daß sie sich aller Speise einer gan-
zen Wochen lang / oder biß zu einer solchen gelegenen Zeit / enthalten köns-
nen / vnd hat solche hohe vortreffliche Medicin, ihre vernünftige Ursach-
en vnd rationes, dann es stercket / das erste das Gehirne / das ander er-
helt das Herz bey seinem vermögen / das dritte aber die Leber nutrirt, nehet
ret vnd erhelt.

Ein ander Modus.

Nimb schön Kockenmeel / das fnete cum aqua appropriata, nach
gelegenheit einer Kranckheit / als Rosen / Spicengarden / Krausenmünzē /
Maïoran / Lauendel / oder sonsten andere gedestillirten Wassern / als zus-
verstehen / in der Lungen fäulug / fnettet man cum aqua Scabiosæ, also
in andern Kranckheiten auch mit den aquis specificis, fermentirs mit ges-
meinem Saurteige / wie der gebrauch sonst im Brodt machen ist / Laß es
auffgehen / formire kleine dünne Brodt darauß / vnd laß es im Beckers
Ofen backen / vnd in allem procedirt, wie man in machung vñnd Bac-
ckung gemeines Brodts zuthun pflegt / wann es nun gar gebacken ist / so
nimb es auß dem Ofen / vnd schlage ein rein weiß leinen tüchlein drum /
vnd lege es in einen hierzu bequemen Putreficir Ofen / wie im vorigen
Proceß gesagt / vnd laß es secundum artem durch den dampff Balnei ob
einem lawenfewr so viel wochen als nötig putreficirn, alsdann thue
solch Brodt in einen glasinnen retorten vnd destillirs im warmen Sans-
de / gar